

Broj: 03-04-258-1/22
Sarajevo, 09.05.2022. godine

PARLAMENT FEDERACIJE BOSNE I HERCEGOVINE

Zastupnički dom

n/p gđi Saneli Klarić, zastupnici
n/p gosp. Ivanu Miličeviću, tajniku

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 10-05-2022

Org. jed.	Broj	Priloga	Vrijednost
0511	-02-	65	122

Predmet: Odgovor na zastupničku inicijativu

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10 i 39/20), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08 i 26/20), u privitku Vam dostavljam akt Federalnog ministarstva poljoprivrede, vodoprivrede i šumarstva, broj: 03-20/7-918/22 M.H. od 22. travnja 2022. godine, koji se odnosi na zastupničku inicijativu zastupnice Sanele Klarić.

S poštovanjem,



TAJNIK VLADE

mr. sc. Edita Kalajdžić

Privitak: kao u tekstu

Broj: 03-2017-918/22 M.H.
Sarajevo, 22.4.2022. godine

BOSNA I HERCEGOVINA
FEDERACIJA BOSNE I HERCEGOVINE
GENERALNI SEKRETARIJAT
VLADE FEDERACIJE BOSNE I HERCEGOVINE ✓

n/r Edita Kalajdžić, sekretar Vlade

FEDERACIJA BOSNE I HERCEGOVINE
VLADA
Sarajevo

PRIMLJENO: 6-5-2022			
Organizaciona jedinica	Klasifikacija	Podni broj	Broj priloga
03-04-	258-1		1/2022

PREDMET: Odgovor na Poslaničku inicijativu, dostavljamo -

Poštovana,

Vezano za Vaš akt broj: 03-04-258-1/22 od 24.2.2022. godine kojim nam prosljeđujete inicijativu gđe. Sanele Klarić, zastupnice u Zastupničkom domu Parlamenta Federacije Bosne i Hercegovine, a odnosi se za formiranje krizne grupe/štaba, čiji će zadatak biti ubrzanje pripreme i realizacije proljetne sjetve, želimo Vas informisati da Federalno ministarstvo poljoprivrede, vodoprivrede i šumarstva, u okviru svojih nadležnosti, vrši raspodjelu novčanih sredstava iz Budžeta Federacije BiH na osnovu Programa novčanih podrški u poljoprivredi i ruralnom razvoju, Pravilnika o načinu i uslovima ostvarivanja novčane podrške po modelu poticaja proizvodnji („Službene novine Federacije Bosne i Hercegovine“ br.32/17,34/17,55/17,56/18,24/20 i 32/21); Pravilnika o uslovima i načinu ostvarivanja novčanih podrški po modelu ostalih vrsta podrški i Pravilnika o uslovima i načinu ostvarivanja novčanih podrški po modelu ruralnog razvoja. Navedeni Program se donosi svake godine, na osnovu Zakona o novčanim podrškama u poljoprivredi i ruralnom razvoju („Službene novine Federacije BiH“, broj 42/10 i 99/19); u kojem su propisane mjere za tekuću godinu.

Dakle, imajući u vidu da je Budžet Federacije BiH od strane Parlamenta FBiH usvojen tek 31.03.2022. godine, ovo Ministarstvo nije imalo pravne mogućnosti dodjele sredstava prije usvajanja Budžeta Federacije BiH, navedenog Programa i Pravilnika. Međutim i pored toga, ovo Ministarstvo je u zadnja tri mjeseca kontinuirano poduzimalo mjere i radnje u saradnji sa svim nadležnim institucijama, kantonalnim ministarstvima zaduženim za poljoprivredu, općinama, udruženjima, otkupljivačima i poljoprivrednim proizvođačima, ali i sa odborima za poljoprivredu oba Doma Parlamenta FBiH poduzima sve aktivnosti vezane za interventnu pomoć poljoprivrednim proizvođačima, što je rezultiralo usvajanjem Informacija Federalnog ministarstva poljoprivrede, vodoprivrede i šumarstva na Vladi FBiH, o skraćivanju procedura vezanih za Program novčanih podrški u poljoprivredi i ruralnom razvoju i interventnoj dodjeli goriva (50.lit/ha) svakom poljoprivrednom proizvođaču u saradnji sa kantonalnim ministarstvima, a posredstvom Federalne direkcije robnih rezervi.

Ono što je važno istaći jeste da je Ministarstvo održalo i niz sastanaka sa svim kantonalnim ministarstvima zaduženim za poslove poljoprivrede, s ciljem sagledavanja stanja u sektoru poljoprivrede i potrebe zajedničkog djelovanja i programiranja mjera veće podrške poljoprivrednim proizvođačima u Federaciji Bosne i Hercegovine, kao i o mogućnostima

veće harmonizacije i usklađenosti mjera podrške s federalnog i kantonalnih nivoa vlasti sa preporukom da kantonalna ministarstva djeluju interventno jer su imali usvojene budžete za 2022. godinu, što ona i čine u cilju ublažavanja posljedica izazvanih novonastalom krizom i pomoći za ubrzanje pripreme i realizacije proljetne sjetve.

Navedene Informacije su rezultirale zaključcima Vlade FBiH o realizaciji niza mjera i aktivnosti koje se odnose na ubrzano provođenje postupka javnih konsultacija sa zainteresiranom javnošću vezano za donošenje Programa podrški za 2022. godinu, sve u skladu sa Programom podrški iz 2021. godine i njegovom realizacijom i prijedlogom Budžeta Federacije BiH za 2022. godinu, u vezi čega je na naš prijedlog dopunjen Zakon o izvršenju Budžeta Federacije BiH. Putem Vlade FBiH zatraženo je da nadležna kantonalna ministarstva ubrzaju postupak obrade zahtjeva klijenata za proizvodnje završene nakon 01.10.2021. godine i animiraju klijente da podnesu zahtjeve, te odmah po usvajanju Budžeta FBiH i Programa podrški za 2022. godinu dostave Federalnom ministarstvu obračun novčanih podrški na realizaciju, ali da i iz vlastitih sredstava za poticaj osiguraju podršku sjetvi poljoprivrednih površina u biljnoj proizvodnji. Nadalje, kroz mjere iz Informacija predloženo je da Federalna direkcija robnih rezervi garantuje otkup proizvedene merkantilne pšenice sjetva 2021/2022. godina, po prosječnoj cijeni koja bude na tržištu u datom periodu, za potrebe robnih rezervi, kao da i kantonalne vlade stave u funkciju svoje robne rezerve, i da svi nivoi vlasti u Federaciji BiH preispitaju fiskalne i parafiskalne naknade koje opterećuju poljoprivredne proizvođače (zakup poljoprivrednog zemljišta, koncesije, različite naknade, takse, i dr..), i u tom smislu sufinansiraju, smanje ili ukinu ta opterećenja poljoprivrednicima gdje je to moguće. Također, predloženo je da sve općine donesu Program upravljanja/gospodarenja zemljištem i aktiviraju sve raspoložive zemljišne površine, primjenjujući u potpunosti Zakon o poljoprivrednom zemljištu.

Pored toga održan je niz sastanaka i ostvareni su kontakti sa većim brojem otkuplivača/prerađivača, zadruga koje ostvaruju podršku kod ovog ministarstva kroz mjeru podrške organizaciji proizvodnje i otkupu poljoprivrednih proizvoda na tržištu (kooperantski odnos) u kontekstu pomoći poljoprivrednicima u nabavci i finansiranju repromaterijala neophodnog za sjetvu (sjeme, mineralno gnojivo, zaštitna sredstva i sl.), koje će kompenzirati kroz otkup proizvoda, što je većina njih i ispoštovala. Organizovane su posjete i održani sastanci sa većim proizvođačima žitarica i uljarica, te predstavnicima mlinske industrije i privrednim društvom Bimal Group. Također, održano je više sastanaka na ministarskom nivou (entitetski ministri sa ministrom MVTEO BiH) vezano za osiguranje kontigenta nabavke mineralnog gnojiva iz trećih zemalja, kao i pokretanje inicijative za ukidanje carine za nabavku istog, a sve u cilju pravovremenog djelovanja i pomoći poljoprivrednim proizvođačima u novonastaloj situaciji.

Nakon usvajanja Budžeta Federacije BiH za 2022. godinu, Vlada Federacije BiH je usvojila Program novčanih podrški za 2022. godinu, čime su se stekli uslovi za realizaciju mjera novčanih podrški propisanih Programom.

S poštovanjem,

MINISTAR

mr.sci. Šemsudin Dedić

Dostavljeno:

- ① naslovu,
- a/a.